

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

সোমবার, মে ২৫, ২০১৫

গণপ্রজাতন্ত্রী বাংলাদেশ সরকার

স্বরাষ্ট্র মন্ত্রণালয়
রাজনৈতিক শাখা-৪
প্রজ্ঞাপন

তারিখ: ১১ জ্যৈষ্ঠ, ১৪২২ বঙ্গাব্দ/২৫ মে, ২০১৫ খ্রিস্টাব্দ

এস, আর, ও নং ১০৫-আইন/২০১৫।—জাতির পিতার পরিবার-সদস্যগণের নিরাপত্তা আইন, ২০০৯ (২০০৯ সনের ৬৩ নং আইন) এর ধারা ৪ এর উপ-ধারা (৩) এ প্রদত্ত ক্ষমতাবলে সরকার জাতির পিতার পরিবার-সদস্যগণের নিরাপত্তা বিধানের লক্ষ্যে নিম্নরূপ ব্যবস্থাসমূহ গ্রহণ এবং সুবিধাদি প্রদান করিল, যথা :—

১। জাতির পিতার পরিবার-সদস্যগণের—

- (১) আবাসস্থলে কোন হুমকি ও অন্তর্ঘাতমূলক অবস্থা মোকাবেলা করিবার জন্য যথোপযুক্ত সুরক্ষিত ও নিরাপদ বেষ্টিত রাখা;
- (২) আবাসস্থলের চতুষ্পার্শ্বে নিরাপত্তাকর্মীদের কৌশলগত অবস্থান গ্রহণের জন্য প্রয়োজনীয় ব্যবস্থা নিশ্চিতকরণ;
- (৩) আবাসস্থলের পার্শ্ববর্তী কোন ভবন, স্থাপনা বা অবস্থান হইতে কোন প্রকার হুমকি সৃষ্টি করিবার মত অবস্থা থাকিলে উহা অপসারণ কিংবা পরিবর্তনের মাধ্যমে আবাসস্থলের নিরাপত্তা নিশ্চিতকরণ;
- (৪) আবাসস্থলের চতুষ্পার্শ্বে সুউচ্চ ভবনে বসবাসকারীদের উপর সার্বক্ষণিক গোয়েন্দা নজরদারী করা;
- (৫) আবাসস্থলে গমনাগমনের পথ যে কোন ধরনের আক্রমণ হইতে নিরাপদ রাখিবার ব্যবস্থা করা;
- (৬) আবাসস্থলে সার্বক্ষণিক ফায়ার সার্ভিসের গাড়ী প্রয়োজনীয় সরঞ্জামসহ প্রস্তুত রাখা;

(৩৪৭১)

মূল্য : টাকা ৪.০০

- (৭) আবাসস্থলের ভিতরে যে সকল স্থানে তাহারা চলাফেরা করেন সে সকল স্থান সর্বদা নিরাপত্তা সুইপিং-এর ব্যবস্থা করা;
- (৮) আবাসস্থল সিসিটিভি ক্যামেরার আওতায় আনা;
- (৯) আবাসস্থলের ভিতরে এবং বাহিরে নিরাপত্তা এলার্ম স্থাপন করা;
- (১০) আবাসস্থলে প্রবেশকালে সকলকে মেটাল ডিটেক্টরের সাহায্যে পরীক্ষা করা;
- (১১) যে কোন বস্তু, দ্রব্য বা সরঞ্জাম আবাসস্থলে প্রবেশের পূর্বে স্ক্যান করা;
- (১২) আবাসস্থল হইতে তাৎক্ষণিক নির্গমনের জন্য এক বা একাধিক বিশেষ নির্গমন পথের ব্যবস্থা রাখা;
- (১৩) আবাসস্থলে সার্বক্ষণিক প্রয়োজনীয় সংখ্যক নিরাপত্তা কর্মী নিয়োজিত রাখা।

২। জাতির পিতার পরিবার-সদস্যগণের জন্য—

- (১) সরকার কর্তৃক বরাদ্দকৃত বা তাহাদের মালিকানাধীন আবাসস্থলের প্রয়োজনীয় মেরামত, সম্প্রসারণ ও রক্ষণাবেক্ষণের জন্য গণপূর্ত অধিদপ্তর কর্তৃক যথাযথ ব্যবস্থা গ্রহণ;
- (২) একজন ড্রাইভার ও প্রয়োজনীয় পেট্রোলসহ গাড়ীর সুবিধা প্রদান;
- (৩) সরকারি খরচে টেলিফোন, গ্যাস, বিদ্যুৎ ও নিরাপদ পানির সরবরাহ করা এবং উচ্চ ক্ষমতাসম্পন্ন ইন্টারনেটের সুবিধা প্রদান;
- (৪) তাৎক্ষণিক চিকিৎসা প্রদানের জন্য আবাসস্থলে সর্বদা স্বয়ংসম্পূর্ণ চিকিৎসা এ্যাম্বুলেন্সের ব্যবস্থা রাখা;
- (৫) দেশে এবং, প্রয়োজনবোধে, বিদেশে সরকারি খরচে চিকিৎসার ব্যবস্থা গ্রহণ;
- (৬) সরকারি খরচে একজন ব্যক্তিগত সহকারী, দুইজন বেয়ারা, একজন বাবুর্চি, একজন মালি ও একজন ঝাড়ুদার নিয়োগ করা।

৩। জাতির পিতার পরিবার-সদস্যগণের নিরাপত্তা বিধানের লক্ষ্যে অন্য কোন প্রকার সহায়তা বা আনুষঙ্গিক সরঞ্জাম বা দ্রব্যাদির প্রয়োজন হইলে সরকারের অন্যান্য মন্ত্রণালয়/বিভাগ ও সংস্থা, যেমন-মন্ত্রিপরিষদ বিভাগ, স্বরাষ্ট্র মন্ত্রণালয়, গৃহায়ন ও গণপূর্ত মন্ত্রণালয়, অর্থ মন্ত্রণালয় উহা প্রদান করিবে।

৪। ইহা অবিলম্বে কার্যকর হইবে।

রাষ্ট্রপতির আদেশক্রমে

ড. মোঃ মোজাম্মেল হক খান
সিনিয়র সচিব

মোঃ নজরুল ইসলাম (উপসচিব), উপপরিচালক, বাংলাদেশ সরকারি মুদ্রণালয়, তেজগাঁও, ঢাকা কর্তৃক মুদ্রিত।

মোঃ আলমগীর হোসেন (উপসচিব), উপপরিচালক, বাংলাদেশ ফরম ও প্রকাশনা অফিস,
তেজগাঁও, ঢাকা কর্তৃক প্রকাশিত। web site: www.bgpress.gov.bd